

吳伯雄
編

陳壽祺全集

④43



廣陵書社

陳壽祺全集

 廣陵書社

第四十三册

卷二百二十六 國朝人物 列傳福州府 一

卷二百二十七 國朝人物 列傳興化府 一一七

卷二百二十八 國朝人物 列傳泉州府（一） 一四三

卷二百二十九 國朝人物 列傳泉州府（二） 二一五

卷二百三十 國朝人物 列傳漳州府 二七五

卷二百三十一 國朝人物 列傳延平府 建寧府 邵武府 汀州府 福寧府

永春州 龍巖州 三五一

卷二百三十二 國朝人物 良吏傳福州府 四〇三

卷二百三十三 國朝人物 良吏傳興化府 四七九

卷二百三十四 國朝人物 良吏傳泉州府 五〇三

卷二百三十五 國朝人物 良吏傳漳州府 延平府 建寧府 五七七

卷二百三十六 國朝人物 良吏傳邵武府 汀州府 福寧府 臺灣府 永春州 龍巖州 六三五

重纂福建通志卷之二百二十六

人物

國朝福州府列傳

閩縣李鍾廣

陳國琦

子治滋

陳子威

叔君翼

林從時

謝道承

林枝春

周紹龍

葉觀國

龔一發

子景瀚

郭廷筠

弟文鈺

張中煜

葉觀潮

陳霞蔚

陳若霖

鄭鵬程

侯官縣

薛濤

莊振徽

曾大升

許遇

子鼎蓋臣

均子

鼎子良臣

王臣

子作屏

林必達

鄭開極

孫基際熙

曾孫唐

李燦

陳學夔

陳夢

雷

蔣晟

子迪孫奕湛

鄭任鑰

何勉

何逢僖

陳夢熊

陳

春波

齊鯤

謝金鑾

陳蘭疇

長樂縣林鼎復

兄日芃

高

龍光

陳書

梁上國

兄贊圖上泰

福清縣林雲京

施起元

張可立

陳忠義

何傳

薛志

胡宗明

李琦

薛起

楊士珣

何青

黃有才

丁任俊

李馥

嚴宗溥

余甸

連江縣

陳肇復

吳鵬南

楊鍾嶽

黃家璩

黃飛鵬

羅源縣

黃英

子正元

正綱

古田縣余正健

甘國寶

林承昌

閩清縣詹士龍

徐世燦

閩縣

李鍾廣字恢先順治庚子舉人值海氛饑饉日跋涉八十里外負

米奉親初任將樂教諭耿逆變作懷印逃西鄉望江寺折杜鵑花

插地曰如得見我

大清花必生遂矐其目示不可用以拒僞命明年花果生目亦復明

大師定閩擢山東禹城知縣蝗不入境例販私鹽者律斬有司捕獲

十人以上者遷秩鍾廣捕十八人吏屬皆賀鍾廣曰吾未廉其實奈何以十八人之命博一官乎訊再三私販僅三四人餘皆逆旅悉出之

陳國琦字琢庵幼喪父母擗踊哀毀若成人康熙五年籍生員游學浙中值耿變道阻逆平始歸自浙帥府稔其文行題授教諭歷任沙縣大田甌寧十七年海寇林信陷漳平移兵大田防將余虎素與知縣侯執纁不協夜半寇將乘垣執纁恐欲自經國琦急檄諸生范文景田乃章等率練長鄉兵分陣守城親馳虎營責以大義虎感愧出師退賊城賴以全子治滋 治滋字以樹又字德泉十歲通五經大義康熙癸巳進士由庶吉士授編修充丁酉戊戌鄉會試同考官以母老乞歸喪畢擢江西道御史尋掌京畿道奏

請文武科場應需勿借端攤派以飽吏橐凡入官抵帑之產未變價而奉

詔豁免者請各地方官造冊報部按籍給完本人不必輾轉飭查啟吏胥需索之弊

上允其請擢奉天府丞司學政事親率師儒講學示以行已立身之要四攝府尹凡十載政成事理以病乞歸治滋家庭盡孝嘗纂輯家禮一卷冠昏喪祭諸大節躬行爲都人士倡子朝礎內閣侍讀朝柄議叙知縣朝棟慈谿知縣俱舉人

陳子威字其畏邑諸生父希元字君首籍侯官生員順治十三年避海寇遷居於鄉慨然曰吾豈忍自爲一家計乎乃設策守禦居民賴以保全有爲賊擄者解囊贖歸之寇退復助木石治廬舍爲

鄰里謀完聚焉康熙十七年海寇復擾子威與其叔君翼獻策軍門曰寇所恃者沿海之人爲之耳目故鴟張豕突猝不易制若聯絡海上漁艇斷其聲援賊不難盡矣巡撫吳興祚善其言令詣康親王備陳內地奸宄遂招募鄉勇澳民三千建聯絡營給聯絡會事道劄所在剿捕厯著戰功克復金門廈門臬塗澎湖招撫臺灣等處興祚上其事授南韶道遷涼莊郎襄參政致仕歸著有嵩山詩集五涼治績考君翼閩縣貢生授聯絡通判劄擒僞都督章元勳追殺僞將王亮厯戰有功卒於軍子瀛襲授金華府通判林從時康熙辛卯武舉人授把總於五縣寨響鼓山擒山寇薛彥文有功又隨軍帥平臺灣南路緝獲餘孽杜君英招撫力力等社生番議敘軍功擢守備累遷至襄陽鎮總兵官

謝道承字又紹別字古梅祖春雷爲招撫使諭琉球中山王入款前後凡三至威信遠布道承幼孤力學潛心當世之務康熙庚子舉鄉試第一辛丑成進士改庶吉士因上劄子請除營私植黨六弊雍正元年授編修假歸養母以孝稱母喪畢

召見授中允晉侍讀轉國子祭酒崇正學斥浮囂躬行以敦厲之太學風

氣爲一變尋遷內閣學士兼禮部侍郎仍領祭酒事卒於官道承初受業於鄭任鑰後從舅氏林佶遊詩文軼出流輩書法尤工性介特不驚聲譽再官翰林驟被遷擢前大學士趙國麟實薦之道承未嘗執門下禮國麟益重之在朝日淺未盡其蘊時論惜焉子璈字徵雲乾隆戊辰進士官戶部額外主事璿字徵宋戊午舉人林枝春字繼仁一字青圃福清縣人閩縣籍祖湛順治丁酉副貢

生康熙十三年耿逆之亂開幕延才士湛以疾辭著水晶宮賦指斥僞逆僭竊事丁卯舉於鄉枝春由雍正癸卯舉人考授中書選直軍機處枝春文筆敏捷值

世廟升遐一切大典禮閣臣必以相屬一時有神手之稱聞人之直樞庭者自枝春始乾隆丁巳成進士以一甲第二人授翰林院編修再與順天鄉試分校官充

大清一統志纂修

武英殿纂修洊升翰林院侍講學士歷通政使司副使督河南學政時有三教堂設儒釋道像以釋氏居中通省計百餘處奉祀皆繼流羽士枝春奏請禁止而以聖像置府州縣學之尊經閣

上可其奏又陳學政事宜凡生員科試宜試性理論樂舞生宜令學臣選

取部議從之再督學江西學中有詳舉孝行者覈實優獎延諸堂上以金花鼓吹勞之人爲之勸未幾乞假歸巡撫桂林陳宏謀延主黿峯書院設立條約及通言四則朔望集諸生於講堂示以立品持躬之要文章氣識之大寓激厲於裁抑之中引高明於沈潛之內一時賢士爭出其門常議開水部門沙合河當事從之值病疫俗祀五通斂錢惑眾請當道禁之而疫亦除又議修貢院增號舍多士感之家居十一年卒年六十四祀黿峯書院祠枝春性至孝方爲中書母家居多疾感噩夢心動翼日家書至卽虔禱於天請急航海而歸侍湯藥者五十餘日母歿哀毀骨立撫仲弟飲食憂樂同之五十年無間言又修宗譜建支祠戚族中有無資喪葬者皆力爲之所生平敦品力學老而彌摯閩士奉爲儒宗子儀鳳

癸酉舉人浙江知縣一彪丙子舉人

周紹龍字允乾少以文學名雍正癸卯進士選庶吉士奉

詔清丈四川蜀經獻賊之亂四野荒蕪糧課缺額紹龍設自首法親覆丈之課加而民不病以績最授編修尋改監察御史巡察山西嚴剔弊端以蘇民困任滿遷右通政積勞以疾聞

上命巡撫爲醫治途中丁生母艱

上慰留紹龍以終制請懸缺以待皆異數也服闋晉順天府丞卒於官紹龍風度清整方嚮用而遽卒善書法得其尺幅皆藏弄之子正思榜名正峯雍正癸丑進士以編修典試河南

葉觀國字家光一字毅庵先世由福清徙居閩縣乾隆辛酉拔貢生丁卯舉於鄉辛未成進士選庶吉士授編修十八年典河南鄉

試二十一年典湖北鄉試事竣即奉

命督學雲南使還逾歲復典湖南鄉試二十七年充順天鄉試分校官是年又奉

命督學廣西任滿以丁外艱歸里服闋入都補官教習庶吉士充日講起居注官三十六年典雲南鄉試逾年充會試分校四十六年充武會試總裁四十八年典四川鄉試即於闈中奉

命督學安徽所至操守清嚴鑒別精審在粵西時值乙酉選拔之期有某生爲權要人壻挾手書相託觀國得書立焚之榜出闈屬翕然拔試各郡約束丁役無秋毫糜費比任滿代者以供應不周釀大案撫臣劾奏所至派夫較前任學臣葉某多七百餘名云在安徽時嘗暑夜閱卷留一僮麾扇值扇風滅燭觀國遽以手壓卷而手面

有一卷飛來燭至視之則所擯卷也其明察類如此

上以其品學兼優

命入直尙書房酷暑嚴寒未嘗一日閒斷以勤慎疊叨

賞賚並蒙

召入重華宮

賜宴和詩歷右春坊擢翰林院侍讀學士遷詹事府少詹事年七十以足疾乞歸年七十三終子七人申蕃申蔚皆優貢生申棻嘉慶壬戌進士知連山縣申藹乾隆乙卯舉人知無錫縣申苞嘉慶戊午舉人權仁化縣申萬嘉慶乙丑進士分巡高廉道申薌嘉慶己巳進士官河南知府孫敬昌嘉慶己卯進士任湖北按察使承昌儀昌道光戊子舉人承昌乙未進士修昌道光己亥解元申藹申萬修

昌別有傳自觀國後申萬中薌敬昌相繼得館選時稱世翰林云
龔一發字天礪一字厚齋生八歲而孤母林氏教之嚴稍長慕范
仲淹之爲人乾隆庚午舉順天鄉試會有

詔分發舉人爲縣令一發得河南初試宜陽知縣咸謂令文弱初親政易

與耳有某甲者妻歸寧久不返謂其家嫁之也訟於庭以妻歸寧
時同行者一人爲證一發謂匿妻者卽其人也一訊果伏一邑驚
以爲神再試密縣去之日有以酗酒三受杖者亦逐隊持杯酒送
出境一發曰汝不怨我耶泣曰小人早失父母無教訓自受懲創
得爲良民是再生我也一發乃爲畫一觴授林縣知縣引泉源溉
田爲永惠諸渠民不苦旱邑豪田文振與弟爭產訟數官矣一發
謂之曰曲直吾不問汝汝兄弟資幾何今用幾何皆默不應一發

曰吾固知其用不貲也官之用若干吏胥之用若干訟師遊客奔走飲食用若干以此讓兄弟事早解矣小人無賴利汝財乘險抵巇以取利一旦財盡闕然散走汝於此輩何親而甘心奉之乎他日有急持斗米疋布相賙恤者猶是兄弟也皆伏地哭不能起請無竟其事二十二年歸德水患民大饑

詔問有司不告狀置大吏及郡縣吏於法命撫臣遴能者以一發調虞城時一發在虞城勘災既受命乃覈戶口去奸豪禁盜賊令民毋輕去其鄉單騎巡行鄉中時

朝廷下帑金百萬轉東南漕賑民又

命使者疏積水爲惠民永便諸河冠蓋相望大吏震懾奔走一發盡理賑事夜省文書供張畢具無敢譁者工先諸邑竣使者嘉歎會藩司